

徐評外科正宗

外科正宗卷五

明崇川陳實功著

吳江徐大椿靈胎評

海甯許

桐辛木訂
蔣光燿寅昉校

瘰癧類第二十六

夫瘰癧者有風毒熱毒氣毒之異又有瘰癧筋癧痰癧之殊風毒者外受風寒伏於經絡其患先寒後熱結核浮腫熱毒者天時亢熱暑中三陽或內食膏粱厚味釀結成患色紅微熱結核堅腫氣毒者四時殺厲之氣感冒而成其患耳項胸腋驟成腫塊令人寒熱頭眩項強作痛瘰癧者累累如貫珠連接三五枚此不作寒熱其患得於誤食蟲蟻鼠殘不潔之物及宿茶陳水或內有汗液其患先小後大初不覺疼久方知痛筋癧者憂愁思慮暴怒傷肝蓋肝主筋故令筋縮結蓄成核生於項側筋間形如棋子堅硬大小不一或陷或凸久則虛羸多生寒熱勞怒則甚痰癧者飲食冷熱不調饑飽喜怒不常多致脾氣不能傳運遂成痰結初起如梅如李生及徧身久則微紅後必潰破易於收斂凡觀此症分別施治風毒者散其風除其濕如防風解毒湯之類是也熱毒者清其脾瀉其熱連翹消毒飲之類是也氣毒者調其血和其氣藿香正氣散之類是也瘰癧者散其堅和其血散腫潰堅湯之類是也筋癧者清其肝解其鬱柴胡清肝湯之類是也痰癧者豁其痰行其氣芩連二陳湯之類是也又有真婦尼僧鰥

夫庶妾志不得發思不得遂積想在心過傷精力此勞中所得者往往有之最爲難治宜先養心血次開鬱結益腎安神疎肝快膈如歸脾湯益氣養榮湯俱加香附青皮山梔貝母木香之類是也又男人不宜太陽青筋潮熱咳嗽自汗盜汗女人又忌眼內紅絲閉骨蒸五心煩熱男婦有此後必變爲癆瘵難治之症體實者初起可服散腫潰堅攻利之藥得效者十中三四有不察虛實盡劑追伐損傷元氣致成壞病者十有八九此非患者之命自由誤於醫人之手予常治初起成核服前藥未效者用針刺核內深入三四分用冰蠶散擦成條插入核內糊紙封上待至一七後核子自然落出隨用紅黑二膏搽貼內服補劑不久便愈常見有用斑蝥牽牛巴霜大黃等藥追蝕多致危亡切宜戒之

徐曰此篇論甚詳備 又曰實症結痰乃可用冰蠶散此方本治此症之藥也 楣案實症結痰用冰

蠶散不若用余所製消核膏爲妥仍須內服子龍丸

卽控涎丹方見卷二消核膏方見後

瘰癧看法

初起核高腫痛色紅軟活微作寒熱肩項不强者順已成根不堅硬內無小核叢生脾健氣血不衰者順已潰膿稠肉色紅活核腫漸消肩項自便漸斂者順潰後易消易斂氣體平和胸膈寬利飲食知味者順未成形體消瘦寒熱往來結核頑硬痰嗽相兼者險已成核堅連續如珠大小不等項強筋急脈虛者險

已潰膿水清稀肌肉消鑠自汗盜汗寒熱不睡者逆潰後陰虛煩躁作渴大便泄小便祕男子骨蒸女人經閉俱逆

徐曰看法與別症同

瘰癧治法

初起腫痛憎寒壯熱四肢拘急項強頭眩者表散之腫硬發熱便利口乾胸膈不利惡心脈實者宜利之膏梁厚味醇酒積熱濕痰凝結而成者宜化痰降火清中憂思過度鬱怒傷肝筋縮結核者宜養血開鬱疎肝房慾勞傷陰虛晡熱自汗咳嗽形體消瘦者滋腎健脾失利亡名懷抱鬱結積想在心所如不得乖隔陰陽虛熬歲月而得者精血俱傷先養正氣次治標病堅而不潰腐而潰之潰而不斂補而斂之皆活法也

瘰癧治驗

一男人項核腫痛拘急惡寒用荆防敗毒散二劑表症悉退餘核不消用散腫潰堅湯加川芎香附貝母十餘服其核漸消外以琥珀膏貼之月餘而安

一男子仲冬渡江暴冒霧氣又值驚恐次日寒熱交作頭面耳項俱腫先用藿香正氣散二服寒熱卽止

面腫漸消惟項間堅腫不退紅揪作痛此毒聚必欲作膿仍用正氣散加芎歸皂刺數服候膿熟針之腫痛頓退又用十全大補湯脾健肌生完口

徐曰此風痰之毒只宜內消亦不必用十全大補湯

一婦孀居六載子幼未立憂鬱成核已半年兼經水不調寒熱交作形體消瘦脈亦弦數此勞傷氣血肝火妄動而成所謂損者益之不可用追蝕之藥損而復損先用逍遙散加香附牡丹皮貝母和其血脈疎其肝氣寒熱盡退次用益氣養榮湯服至月餘氣血漸復經事漸調元氣漸醒外用火針徐曰不必核上

點破四孔用黃線藥插入五六次以上九字徐勒候至孔大換用冰蠟散搽核上封之至十三日外其核自落

外搽玉紅膏生肌收斂內服人參養榮湯加香附木香三十餘劑其口自完此婦慎起居忘七情戒口味盡調理故可得愈否則必不能矣

一室女年十七因父擇婿未遂就至二旬懷抱鬱久項生數核堅硬如石此肝經凝結筋縮之病也兼經水斷絕寒熱如瘧咳嗽脈數惟不顯紅此陰虛火動已成勞瘵症也非藥能愈視其形狀喜無敗色余曰欲治此病當先治其心父問曰何藥治心余曰非藥也易曰天地絪縕萬物化醇男女構精萬物化生此天地男女生成化育之道也斯病起於孤陰寡陽不生不化所謂逆理之病由於女大失配是謂

當至而不至漸成失度之候

此句徐圖

其病不生而自生故藥不能挽回必得陰陽和而雨澤降

此句徐圖

夫婦

和而家道成斯時方可用藥其父始悟隨卽擇嫁三月後復請余視前症稍定先用逍遙散加香附青

皮山梔丹皮貝母十餘劑開鬱疎肝寒熱漸止次以人參養榮湯加丹皮紅花通其血脈使心血易生

容顏稍澤又用益氣養榮湯倍參朮

徐曰不必

培助脾胃增進飲食間用歸脾湯加麥冬五味遠志沙參收

斂神氣寬慰性情又製參朮地黃膏服至半年精神頓復經事亦通惟核不能全退用火破一核針點

火針點破四字徐勒

琥珀膏貼之漸腐爲膿又兩月而得收斂尙有三核亦漸針漸潰漸斂首尾純用補脾開鬱

藥調理一年始得全愈

徐曰室女患此者嫁後卽愈十居五六此人竟能知之奇哉

一男子年近三十項生數核面白神疲皮粗脈數此元氣受傷之症先當補養氣血待根本壯實再治其

瘡隨用養榮健脾藥十餘劑未效彼以爲緩

徐曰此等極多

又爲方士所惑冀圖內消自服斑蝥巴麝之藥

徐曰自取其死連瀉十數行後致小便淋漓不已更增虛熱飲食減少又復請視形色已敗辭而不治又請內

科強投扶助降心之藥終不應而死

一婦壯年性急夫蕩不爲家左項生核半載漸至雞卵大堅硬如石皮外紅絲纏繞左右脈俱弦數弦屬

肝火妄動數乃脾熱之甚徐曰此本不治之症以後半愈而根不除所以復發即治得法尚難收功况誤治乎先用梔子清肝湯平伐肝木五服

而脈始平又用清肝解鬱湯數服散其鬱結次用益氣養榮湯調其氣血間服散腫潰堅湯軟其堅腫

外以琥珀膏貼之調理百日元氣乃復堅硬已消八九只存小核彼以為愈止不服藥後一載因夫賭

訟未勝暴急驚恐前腫復作兩手脈細而多數此陰血虧損陽火乘之非前有餘症也又兼胸膈不利

飲食無味經水先期過多形容憔悴不澤此神傷於思慮則肉脫意傷於憂愁則肢廢魂傷於悲哀則

筋攣魄傷於喜樂則皮稿志傷於暴怒則腰脊不能俯仰以上俱七情內損症也法當滋養氣血調和

脾胃益腎清心開鬱散滯庶保無虞彼不肯信仍欲服散腫潰堅之藥并灸腫處以圖內消余辭不治

彼請客醫仍服前藥灸腫處并灸肘尖真氣虛而益虛邪氣實而益實反加發熱自汗咳嗽項強四肢

不收灸瘡無膿血水不絕腫亦熾盛致成臟腑已損之候又傳為氣急聲啞痰血交出而歿余嘗見病

家及庸醫不辨虛實妄行用藥多致不救所當猛省 梟案中間引成語為文其實此症無喜樂

療癰主治方

防風解毒湯

防風解毒湯荆桔薄荷枳殼青蒼朮

牛蒡連翹葶石膏知母燈心共可消

治風毒療癰寒暑不調勞傷湊襲多致手足少陽

分耳項結腫或外寒內熱痰凝氣滯者

防風 荆芥 桔梗 牛蒡子 連翹 甘草 石膏 薄荷 枳殼

川芎 蒼朮 知母各一錢 水二茶鍾燈心二十根煎八分食後服

徐曰此風痰之方

連翹消毒飲 連翹消毒飲陳皮 甘桔元參芩芍歸 梔葛射干花粉等 紅花還與大黃隨 治熱毒瘰癧過食灸燂醇酒膏粱以致蘊熱臃項

成核或天行亢熱濕痰作腫不能轉側者

連翹 陳皮 桔梗 元參 黃芩 赤芍 當歸 山梔 葛根 射干

天花粉 紅花各一錢 甘草五分 大黃初起便燥者加之 水二茶鍾煎八分食後服有痰者加竹茹一錢

徐曰此方通治之藥

加味藿香散 加味藿香散甘桔 青陳柴蘇半夏及 尤苓白芷附朴青 夏枯草效為君說 治氣毒瘰癧外受風邪內傷氣鬱以致頸項作腫

肩膊強痛四肢不舒寒熱如瘧及胸膈不利

藿香 甘草 桔梗 青皮 陳皮 柴胡 紫蘇 半夏 白朮 茯苓

白芷 厚朴 川芎 香附 夏枯草各等分 薑三片棗二枚水二茶鍾煎八分食遠服

滋榮散堅湯 滋榮散堅四物湯 陳皮升麻香附貝 甘桔參苓海粉當 紅花昆布共煎嘗 治一切瘰癧憂抑所傷氣血不足形體瘦弱潮熱

咳嗽堅硬腫痛無分新久但未穿潰者並效

川芎 當歸 白芍 生地 陳皮 茯苓 桔梗 白朮 香附各一錢

甘草 海粉 貝母 人參 昆布各五分 升麻 紅花各三分 水二茶鍾薑三片棗二

枚煎八分食遠服身熱加柴胡黃芩自汗盜汗去升麻倍人參黃耆飲食無味加藿香砂仁食而不化

加山查麥芽胸膈痞悶加澤瀉木香咳嗽痰氣不清加杏仁麥冬口乾作渴加知母五味子睡臥不甯

加黃柏遠志棗仁驚悸健忘加茯神石蒼蒲有汗惡寒加薄荷半夏無汗惡寒加茅朮藿香女人經事

不調加延胡索牡丹皮腹脹不寬加厚朴大腹皮

徐曰此等方藥味雖與療癰頗切然雜亂無章毫無主意凡外科之方往往如此皆因習外科之人不

甚讀書祇記某藥能治某病因而湊合互相傳習所以全無法度學外科者宜知之

益氣養榮湯 益氣養榮湯尤者 參苓陳貝附歸宜 芎芍桔甘兼熟地 勞傷癰癧大堪施 治抑鬱 抑鬱二 字徐勒 或勞傷氣血或四肢頸項筋縮結

成累累如貫珠者謂之筋癰此皆由思慮太過神氣受傷乃勞中所得也其患或軟或硬或赤或不赤

或痛或不痛或日晡發熱或潰而不斂者是

人參 茯苓 陳皮 貝母 香附 當歸 川芎 黃耆 熟地 白芍

各一 甘草 桔梗各五分 白朮二錢 薑三片棗二枚水二茶鍾煎八分食遠服

徐曰此潰後補劑其藥亦不外諸味 如胸膈痞悶加枳殼木香飲食不甘暫加厚朴蒼朮往來寒熱

加柴胡地骨皮膿潰作渴倍參耆歸朮膿多或清倍當歸川芎脇下痛或痞加青皮木香肌肉生遲加

白朮肉桂痰多加半夏橘紅口乾加麥門冬五味子發熱加柴胡黃芩渴不止加知母赤小豆膿不止

倍加人參黃耆當歸潰後反痛加熟附子沈香虛煩不睡者倍人參熟地遠志棗仁

芩連二陳湯芩連二陳湯半夏 牛蒡木香兼甘桔 枯草連翹花粉苓 治痰癰生於少陽部分項側結核外皮漫腫色紅

微熱或至缺盆高骨上下發腫形長堅硬作痛名曰馬刀初起並宜服此已成氣弱者不宜

黃芩 黃連 陳皮 茯苓 半夏 甘草 桔梗 天花粉 牛蒡子

連翹各一錢 木香二分 夏枯草三錢 薑三片水二茶鍾煎八分食後服滓再煎臨睡服

徐曰此方重前諸方

散腫潰堅湯散腫潰堅芩芍歸 知翹連柏三棱朮 升柴膽草高根隨 昆桔甘花粉莫遺 治療癰馬刀堅硬如石或在耳下或至缺盆或在

肩上或至脇下皆手足少陽經症又發於下頰或至頰車堅而不潰或已破流膿又屬足陽明症也此

方治有餘之症效多不足之症效少

黃芩八分 白芍 當歸 龍膽草 桔梗 知母酒炒 黃柏酒炒 天花粉 昆布各五分

連翹 葛根 炙甘草 黃連 三棱酒拌炒 莪茂各三分 柴胡四分 升麻三分 水二茶鍾

煎八分食後服臨服入酒一小杯亦效此藥可為末煉蜜為丸桐子大每服八十九丸即散腫潰堅丸治症同前臨睡食後俱白滾湯下

徐曰此方亦重

升麻散堅湯升麻散堅湯甘草 莪茂三棱陳桔連 治瘰癧遠頸或至頰車屬足陽明核深陷隱曲肉

底又屬足少陰俱作腫塊堅硬大小不一

升麻 甘草 莪茂 三棱 陳皮 桔梗 黃連 龍膽草 葛根

白芍 夏枯草 連翹 黃芩 當歸各五分 天花粉有痰加 水二茶鍾煎八分食後熱服

再用上藥加倍為末蜜丸黍荳大每百丸黃酒臨睡服頭不枕更妙

徐曰義重前方

夏枯草湯夏枯草湯歸朮陳香附柴胡白芷芍 桔甘生地貝母芩 加上紅花效若神 治療癰馬刀不問已潰未潰或已潰日久成漏形體

消瘦飲食不甘寒熱如瘧漸成勞瘵並效

夏枯草二錢 當歸三錢 白朮 茯苓 桔梗 陳皮 生地 柴胡 甘草

貝母 香附 白芍各一錢 白芷各二錢 紅花各三分 先用夏枯草水三碗煎至二碗濾清同藥煎

至八分食後服將藥滓同前夏枯草滓共再煎六七分臨臥時入酒半小鍾和服宜食淡味物件

徐曰此亦此症之主劑

活血化堅湯活血化堅湯朴芷 芍歸貝青角刺是 蠶防結粉陳皮草 乳香靈脂銀花使 治一切瘰癧及癭瘤痰核初起未潰膿者

防風 赤芍 歸尾 天花粉 金銀花 貝母 川芎 角刺 桔梗各一錢

僵蠶 厚朴 五靈脂 陳皮 甘草 乳香 白芷稍各五分 水二茶鍾煎八分

臨服用酒一小杯食後服

徐曰義重前方不必存

逍遙散逍遙散當歸芍藥 丹皮薄荷甘草朮 婦女之病效可圖 治婦人血虛五心煩熱肢體疼痛頭目昏重心忡頰赤

口燥咽乾發熱盜汗食少嗜臥及血熱相搏月水不調臍腹作痛寒熱如瘧及治室女血弱榮衛不調

痰嗽漸熱肌體羸瘦漸成骨蒸

當歸 白芍 茯苓 白朮 柴胡各一錢 香附八分 丹皮七分 甘草六分 薄荷 黃芩

有熱加 水二茶鍾煎八分食遠服有寒加薑二片棗二枚
各五分

徐曰此通治疎肝之方

通治瘰癧方 通治瘰癧方陳朮 柴桔芎歸芩芍翹 蒼芷藿香夏枯草 甘草半夏附功饒 治療瘰不分新久表裏虛實及諸痰結核並效

陳皮 白朮 柴胡 桔梗 川芎 當歸 白芍 連翹 茯苓 香附

醋炒 夏枯草 黃芩 各一錢 藿香 半夏 白芷 甘草 各五分 薑三片水二茶鍾煎八分

入酒一小杯臨睡時服

徐曰諸方不出此隨症加減可也

芎歸養榮湯 芎歸養榮湯者朮 參芍砂仁熟地黃 五味茯神丹遠志 麥冬甘草共煎嘗 治療瘰流注及一切不足之症不作膿或不潰或

已潰不斂或身體發熱惡寒肌肉消瘦飲食少思睡臥不甯盜汗自汗驚悸恍惚

歸身 二錢 人參 黃耆 白朮 川芎 白芍 熟地 各一錢 五味子 麥冬

遠志 甘草 茯苓 各五分 牡丹皮 砂仁 各二分 水二茶鍾薑三片棗二枚煎八分食遠服

徐曰重出

冰蠅散 冰蠅散內用田螺 龍腦礪砂為細末 白砥將來紙麵糊 總將津拌患頭塗 治療瘰日久堅核不消及服煎藥不效者用此點落瘰

核如馬刀根大面小及失榮等症忌用

大田螺五枚去殼日中線穿曬乾白砒一錢二分冰片一分礞砂二分用曬乾螺肉切片同煨熟白砒礞為細

末加礞片再碾小礞密收凡用時先用艾炷灸核上七壯次後灸瘡起泡以小針挑破將前藥一二釐

津唾調成餅貼灸頂上用綿紙以厚糊封貼核上勿動七日後四邊裂縫再七日其核自落換搽玉紅

膏內服補藥兼助完口此藥又治瘰癧患大蒂小及諸般高突異形難狀者

徐曰點去惡肉亦不可少但不可輕試惡毒之肉乃為合宜

紫霞膏紫霞膏品不多般煎入麻油如紫漆銅綠松香一處攪百般頑症貼當安治瘰癧初起未成者貼之自消已成未潰者貼之自潰

已潰核存者貼之自脫及治諸色頑瘡臙瘡濕痰濕氣新久棒瘡疼痛不已者

明淨松香淨末一斤銅綠淨末二兩用麻油四兩銅鍋內先熬至滴水不散方下松香熬化次下銅綠熬至

白烟將盡其膏已成候片時傾入瓷罐用時湯內頓化旋攤旋貼

徐曰方極和平即干搥膏之祖方也 又曰此方單重銅綠一味方簡而意深

琥珀膏琥珀膏內桂防歸松脂硃砂木鼈陪丁木二香草麻子木通白芷共相隨治瘰癧及腋下初如梅子結腫硬強漸若連珠不消不

潰或潰後膿水不絕經久不瘥漸成漏症

琥珀一兩 木通 桂心 當歸 白芷 防風 松脂 硃砂 木鱉肉

草麻仁各五錢 丁香 木香各二錢 麻油二斤 黃丹飛炒十兩 先用琥珀丁香桂心硃砂木香為細末

其餘切片浸油內七日入鍋內慢火熬至羣藥焦黃為度絹濾淨油徐下黃丹以柳枝手攪候至膏成

滴入水中軟硬得中掇下鍋來以盆頓穩攪至烟盡方下末藥攪勻瓷器盛之臨時取少許攤貼

大紅膏 大紅膏用錫銀硃 硝石樟冰相與俱 輕粉南星併石礮 乳香貓骨醋調塗 治療癰痰核結塊不分新久但未穿破者

南星二兩 銀硃 血竭 硝石 樟腦各三錢 輕粉 乳香各二錢 貓頭骨一具 石灰一兩 二

錢切片同炒石 灰紅色去大黃 右共為細末陳米醋熬稠調藥敷核三日一換敷後皮嫩微損者另換紫霞膏貼

之其核自消 楣案銀硃貓頭骨石灰徐圍

火針法 火針之法獨稱雄 破核消痰立大功 燈草桐油相協力 當頭一點核無蹤 治療癰痰核生於項間初起堅硬或如梅李結聚不散

宜用此法針之指藥易消用縫衣大針一條將竹筯頭劈開以針雙夾縫內相離一分許用線紮定先

將桐油一盞用燈草六七根油內排勻點著將針燒紅用手指將核捏起用針當頂刺入四五分核大

者再針數孔亦妙核內或痰或血隨卽流出候盡以膏蓋之次日針孔必漸作膿輕者用黃線藥插之

核堅硬者用冰蠟散糊打成條曬乾插之外以糊紙二重封固次日其核發腫作痛不妨乃藥氣攻入

於內又至七日外自然核外裂開大縫再至七日其核自落湯洗淨換用玉紅膏搽入外以膏蓋內服益氣養榮湯或十全大補湯加香附兼戒勞動氣惱房事發物煎炒海腥等件

徐曰強實人方可用 又曰此方治獨腳頑癩或可用

三品一條槍

二品一條槍最靈 明礬白信煨成精 加上乳雄爲線藥 疔疽癩漏盡堪平

上品錠子去十八種痔中品錠子去五漏翻花瘰

瘰氣核下品錠子治瘰癧疔瘡發背腦疽等症此爲古之三品錠子但藥同而分兩不同故治病有分

別今方名三品一條槍隨症可用藥品又簡易而不繁

此句徐勒

凡同志者隨試而用之

此句徐勒

明礬

二兩 白砒一兩 雄黃二錢 乳香一錢 五錢 四分

砒礬二味共爲細末入小罐內加炭火煨紅青烟已盡

旋起白烟約片時上下紅徹住火取罐頓地上一宿取出約有砒礬淨末一兩加入雄黃乳香共研極

細厚糊調稠搓成如線條陰乾凡遇前症有孔者插入孔內無孔者先用針放孔竅早晚插藥二次

孔以下二十二字徐勒

插至三日後孔大者每插十餘條插至七日

孔大者以下徐勒

患孔藥條滿足方佳以後所患四

邊自然裂開大縫共至十四日前後其疔核癩癧痔漏諸管自然落下隨用湯洗搽上玉紅膏虛者兼

服健脾之藥

徐曰此治惡毒頑瘡間有可用近日庸醫不論何瘡俱用此法殺人無算深爲可恨製方之人原只用

以治不知痛癢之瘡及死肌頑肉誰知後世惡人竟視爲必用之品不得不歸咎於作俑者也 楣案
徐於此方之上加又字字旁又垂戒深矣

療癩酒藥方 治年久癩癧結核串至滿項頑硬不穿破者

鶴虱草 半觔 忍冬藤 六兩 野蓬蒿 四兩 野菊花 四兩 五爪龍 三兩 馬鞭草 一兩
五錢 上藥切碎用醇酒

十五觔將藥袋貯懸於酒內封好罐口煮三炷香爲度取起水頓浸一伏時初服盡醉出汗爲效已後
隨便飲之盡酒一料病愈不發

徐曰此所謂草頭方也藜藿之人用之竟有愈者若體虛之人用之竟有大害甚至於死余見極多所
以患病之人斷不可聽傳聞之方而輕試也 楣案療癩一症內治固無速效之方外治亦鮮良藥不

獨火針三品一條槍不可用卽所開琥珀膏內有木鱉草麻仁大紅膏有輕粉石灰皆毒藥貼之不能
暗消多致穿潰全生集外治用化核膏內治用控涎丹 全生集易名子龍丸 余試其膏蘊熱重者或反至紅腫蓋

內有木鱉壁虎蜘蛛等亦毒藥也偶聞人述一名醫言治癩當加入消痰藥因悟各種結核皆有痰氣
遂以控涎丹爲主加入麻黃一味煎膏施貼甚效故友湯秀嵩又加入數味二十年來求者甚衆初起
貼之卽消年久者可不再大以貼乳核及各種結核無不其應如響因名爲消核膏惟已潰者不可貼